

Restructuraziun da la Lia Rumantscha

■ **L'andament da las discussiuns e las propostas en connex cun la restructuraziun da la Lia Rumantscha (LR) èn per l'Acziun Rumantscha Domat, la Cuminonza Romontscha Flem e la Cuminonza Romontscha Trin sco era per autras vischnancas e regiuns cun populaziun rumantscha da grond interess.** Las vischnancas Flem, Trin, Domat, Panaduz e Razén e lur populaziun rumantscha relativamain gronda ha er interess londervi. Ella dovra sco autras regiuns ina represchentanza adequata. Quella na vegn actualmain insumma betg garantida tras las uniuns affiliadas. Quella experientscha è vegnida fatga.

Nus na chapin betg che organisaziuns che s'occupan regularmain ed intensivamain da nossa lingua sco la GiuRu (Giuventetgna Rumantscha), la SRR (Socie-

tad Retorumantscha), l'anr (Agentura da novitads rumantscha) e l'ULR (Uniu per la Litteratura Rumantscha) sco era la GrCg (Gruppa rumantscha dal cussegl grond) na duessan betg esser represchentadas en las radunanzas da delegadas e delegads da la LR.

Las trais propostas da la suprastanza da la LR n'ans pon betg persvader. Nus sustegnain perquai la proposta da la Pro Svizra Rumantscha ch'è publitgada en sia pagina d'internet ed en La Quotidiana dals 19 d'october 2016. Igl è da grond interess da manar la discussiun pertutgant las strategias e finamiras en las regiuns pertutgadas cun la populaziun avant che discuorer davart novas structururas.

*Acziun Rumantscha Domat
Cuminonza Romontscha Flem
Cuminonza Romontscha Trin*